

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 14.10.2019թ. թիվ 1910206791 որոշումն անփոփոխ, իսկ վարչական բողոքն առանց բավարարման թողնելու մասին

<<08>> 11 2019թ. 17-13- 3074

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արամայիս Հովհաննիսյանի 113032-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Գյուլբենկյան փողոցի 5/1 շենքի 6-րդ բնակարանի բնակիչ Արամայիս Հովհաննիսյանը դիմումով պահանջել է անվավեր ճանաչել Ճանապարհային ոստիկանության վարչական տույժ նշանակելու մասին թիվ 1910206791 որոշումը, նշելով, որ իրավախախտումն արձանագրված խճուղու սկզբնամասում տեղադրված է առավելագույն արագությունը սահմանող 70կմ/ժ ճանապարհային նշան:

Դիմումի քննարկման արդյունքում պարզվել է, որ թիվ 1910206791 որոշումն ենթակա է կատարման հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**:

Հայաստանի Հանրապետությունում տեղադրված բոլոր արագաչափի սարքերը ստուգաչափված են ՀՀ տնտեսական զարգացման և ներդրումների նախարարության <<Չափագիտության ազգային ինստիտուտ>> ՓԲԸ-ի կողմից և դրանց արձանագրած տվյալները համապատասխանում են իրականությանը և տրանսպորտային միջոցների արագության փաստացի արագությանը:

<<Չափումների միասնականության ապահովման մասին>> օրենքի պահանջներով պայմանավորված Հայաստանի Հանրապետությունում շահագործվող բոլոր արագաչափի սարքերը սահմանված ժամկետում և կարգով ստուգաչափված են:

Վարչական տույժ նշանակելու մասին թիվ 1910206791 որոշման հիմքում դրված լուսանկարում նշված է տրանսպորտային միջոցի երթևեկության գոտին, ուղղությունը, ինչը չի կարող կասկածի տակ դնել իրավախախտումը հենց այդ տրանսպորտային միջոցով կատարելու փաստը:

Այսպիսով ակնհայտ է, որ Թբիլիսյան խճուղում տեղադրված արագաչափի սարքով արձանագրվել է դիմումատուին պատկանող տրանսպորտային միջոցի արագությունը՝ 74 կմ/ժ, ինչը գտնվում է Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասի տիրույթում, հետևաբար դիմումատուին վարչական պատասխանատվության ենթարկելու մասին որոշումը իրավաչափ է և օրինական:

Ինչ վերաբերվում է դիմումատուի պնդմանը առավելագույն արագությունը սահմանող 70կմ/ժ ճանապարհային նշանի առկայության վերաբերյալ, ապա ճանապարհային ոստիկանության ՃԵԿՀ բաժնի 05.11.2019թ-ի տեղեկանքի համաձայն՝ 2013թ-ից առ այսօր Երևան քաղաքի Թբիլիսյան խճուղում երթևեկության երկու ուղղություններով սահմանված են տրանսպորտային միջոցների երթևեկության հետևյալ առավելագույն թույլատրելի արագություններ՝ Ազատության պողոտա-Սևակի-Թբիլիսյան խճուղի խաչմերուկից մինչև Թբիլիսյան խճուղի- Թբիլիսյան խճուղու նրբանցք սահմանված է 60կմ/ժ առավելագույն թույլատրելի արագություն և Թբիլիսյան խճուղի- Թբիլիսյան խճուղու նրբանցք խաչմերուկից մինչև Թբիլիսյան խճուղի-2.Քանաքեռցու փողոցների խաչմերուկ սահմանված է 80կմ/ժ առավելագույն թույլատրելի արագություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

- 1.Ճանապարհային ոստիկանության վարչական տույժ նշանակելու մասին 14.10.2019թ. թիվ 1910206791 որոշումը թողնել անփոփոխ, իսկ վարչական բողոքն առանց բավարարման:
- 2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
- 3.Սույն որոշման օրինակն ուղարկել Արամայիս Հովհաննիսյանին:



Կատարող՝ Է.Հովհաննիսյան
Հեռ. 011544783

 Ե.Կարապետյան